

Broj: 05-30-5-307-24/2025  
Sarajevo, 03.04.2026. godine

Na osnovu člana 10. stav (1) tačka a) Zakona o javnim nabavkama Bosne i Hercegovine („Službeni glasnik BiH“, br. 39/14, 59/22 i 50/24), a u vezi sa članom 12. tač. 2. i 3. Ugovora o subvenciji broj: 2025 HR-BA-ME00474 /engl Subsidy Contract Number 2025 HR-BA-ME00474, članom 16. Odluke o ratifikaciji Sporazuma o finansiranju za Interreg VI-A IPA Program prekogranične saradnje Hrvatska - Bosna i Hercegovina - Crna Gora za period 2021-2027. godina („Službeni glasnik BiH - Međunarodni ugovori“, broj: 1/25) i odredbama potpisanog Sporazuma o partnerstvu za implementaciju operacije/ engl. Partnership Agreement for the implementation of the Operation (ID broj operacije: HR-BA-ME00474) broj: 09-40-20-217/24 od 15.07.2025. godine, privremeno postavljeni direktor Federalne uprave civilne zaštite donosi:

**ODLUKU**  
**o nabavkama izuzetim od primjene**  
**Zakona o javnim nabavkama Bosne i Hercegovine**

**I**

Izuzimaju se od primjene Zakona o javnim nabavkama Bosne i Hercegovine („Službeni glasnik BiH“, br. 39/14, 59/22 i 50/24, u daljem tekstu: ZJN) postupci nabavke usluga i roba, kako slijedi:

Rb.	Predmet nabavke	Vrsta postupka	Procijenjeni maksimalni iznos (EUR) bez PDV-a
<b>NABAVKA USLUGA</b>			
1.	Vanjski ekspert za izradu edukacijskih programa i podršku u implementaciji edukacijskog programa	Postupak jedne ponude /engl. Single tender procedure	10.000,00
2.	Organizacija i implementacija edukativnih posjeta i obuka	Postupak jedne ponude /engl. Single tender procedure	7.500,00
3.	Organizacija projektnih sastanaka i događaja	Postupak jedne ponude /engl. Single tender procedure	15.000,00
4.	Vanjski ekspert za izradu analize postojećih procedura i primjera dobre prakse u prekograničnom	Postupak jedne ponude /engl. Single tender procedure	15.000,00

	okruženju		
5.	Vanjski ekspert za implementaciju plana podizanja svijesti za Federaciju BiH	Pojednostavljeni postupak /engl. Simplified procedure	24.300,00
6.	Vanjska ekspertiza za tehničku i financijsku podršku u provedbi projekta	Postupak jedne ponude /engl. Single tender procedure	10.000,00
<b>NABAVKA ROBA</b>			
7.	Oprema za gašenje požara i spasilačka oprema (uključujući specijalna vozila)	Međunarodni otvoreni postupak / engl. International open tender procedure	2.071.890,00

## II

Nabavka usluga i roba iz tačke I ove odluke provodi se u okviru implementacije strateškog projekta INEREP - Unapređenje prekograničnog odgovora na vanredne situacije / engl. Interborder Emergency Response Enhancement Project (u daljem tekstu: INEREP) u okviru Interreg VI-A IPA programa Hrvatska - Bosna i Hercegovina - Crna Gora za period 2021-2027. godine (u daljem tekstu: Interreg Program), a primjenjuju pravila Interreg Programa i odredbe Priručnika za implementaciju projekta /engl. Project Implementation Manual – PIM.

## III

Nabavka usluga i roba iz tačke I ove odluke finansira se iz sredstva IPA III CBC koja su dostupna u okviru Interreg Programa u skladu sa Ugovorom o subvenciji 2025 HR-BA-ME00474 /engl Subsidy Contract Number 2025 HR-BA-ME00474 i Sporazumom o partnerstvu za implementaciju operacije / engl. Partnership Agreement for the implementation of the Operation (ID broj operacije: HR-BA-ME00474) koji je potpisanim između Vodećeg partnera (Splitsko - dalmatinska županija) i Projektnih partnera: Ministarstvo unutrašnjih poslova Crne Gore - Direktorat za zaštitu i spašavanje, Federalna uprava civilne zaštite, Republička uprava civilne zaštite Republike Srpske, Razvojno – garantni fond Brčko distrikta BiH i VA.C.E.T.R.A.S - Vatrogasni centar za edukaciju i tehnološki razvoj.

## IV

Federalna uprava civilne zaštite donosi pojedinačnu odluku o pokretanju postupka nabavke za svaku nabavku usluga i roba iz tačke I ove odluke.

## V

Federalna uprava civilne zaštite dužna je dostavljati Agenciji za javne nabavke BiH izvještaj o dodjeli ugovora i na portalu javnih nabavki objavljivati osnovne elemente ugovora o nabavci usluga i roba iz tačke I ove odluke u skladu sa odredbama ZJN.

## VI

Za realizaciju ove odluke zadužuje se Odsjek za strateške inicijative i razvoj kapaciteta zaštite i spašavanja u Sektoru za planiranje, mjere zaštite i spašavanja i vatrogastvo i Odsjek za javne nabavke u Sektoru za pravne i finansijske poslove, upravljanje ljudskim resursima i javne nabavke.

## VII

Ova odluka stupa na snagu danom donošenja i objaviće se na službenoj web stranici Federalne uprave civilne zaštite.



Privremeno postavljeni

**DIREKTOR**

Aldin Brašnjic

### Dostaviti:

- Sektor za planiranje, mjere zaštite i spašavanja i vatrogastvo
- Sektor za pravne i finansijske poslove, upravljanje ljudskim resursima i javne nabavke
- a/a

**OBRAZLOŽENJE**  
**Odluke o nabavkama izuzetim od primjene**  
**Zakona o javnim nabavkama Bosne i Hercegovine**

**I - ZAKONSKI OSNOV ZA DONOŠENJE ODLUKE**

Zakonski osnov za donošenja Odluke o nabavkama izuzetim od primjene Zakona o javnim nabavkama Bosne i Hercegovine (u daljem tekstu: Odluka) sadržan je u člana 10. stav (1) tačka a) Zakona o javnim nabavkama Bosne i Hercegovine („Službeni glasnik BiH“, br. 39/14, 59/22 i 50/24 u daljem tekstu: ZJN), a u vezi sa članom 12. tač. 2. i 3. Ugovora o subvenciji broj: 2025 HR-BA-ME00474 /engl Subsidy Contract Number 2025 HR-BA-ME00474, članom 16. Odluke o ratifikaciji Sporazuma o finansiranju za Interreg VI-A IPA Program prekogranične saradnje Hrvatska - Bosna i Hercegovina - Crna Gora za period 2021-2027. godina („Službeni glasnik BiH - Međunarodni ugovori“, broj: 1/25) i odredbama potpisanog Sporazumu o partnerstvu za implementaciju operacije/ engl. Partnership Agreement for the implementation of the Operation (ID broj operacije: HR-BA-ME00474) broj: 09-40-20-217/24 od 15.07.2025. godine, kako je navedeno u uvodu Odluke.

**II - RAZLOZI ZA DONOŠENJE ODLUKE**

Vlada Federacije BiH donijela je Zaključak V. broj: 583/2025 od 28.03.2025. godine kojim je prihvatila Informaciju o mapiranim projektim u okviru Interreg VI-A IPA programa Hrvatska – BiH – Crna Gora 2021-2027., te tačkom 2. navedenog Zaključka, dala saglasnost da se sredstva Tekuće rezerve mogu koristiti, za sufinansiranje projekata iz EU fondova, što se pored ostalih projekata odnosi i na strateški INEREP projekat - Unapređenje prekograničnog odgovora na vanredne situacije / engl. Interborder Emergency Response Enhancement Project, a na koji je Federalna uprava civilne zaštite, provela proceduru apliciranja putem Ureda Vlade Federacije BiH za evropske integracije i uz podršku i Direkcije za evropske integracije BiH.

Federalna uprava civilne zaštite u skladu sa navedenim Zaključkom Vlade Federacije BiH, potpisala je Sporazum o partnerstvu za implementaciju operacije / engl. Partnership Agreement for the implementation of the Operation (ID broj operacije / projekta: HR-BA-ME00474) sa vodećim partnerom (Splitsko - dalmatinska županija) i projektnim partnerima: Ministarstvo unutrašnjih poslova Crne Gore, Republička uprava civilne zaštite Republike Srpske, Razvojno – garantni fond Brčko distrikta BiH i VA.C.E.T.R.A.S - Vatrogasno edukacijski tehnološko razvojni centar, broj: 09-40-20-217/24 od 15.07.2025. godine, nakon što je Ministarstvo regionalnog razvoja i EU Fondova Republike Hrvatske (Upravljačko tijelo Interreg Programa) sa vodećim partnerom projekta potpisao Ugovor o subvenciji broj: 2025 HR-BA-ME00474 /engl Subsidy Contract Number 2025 HR-BA-ME00474.

Članom 12. Ugovora o subvenciji, utvrđeno je da ako realizacija operacije zahtijeva nabavku usluga, dobara ili radova, korisnik iz Bosne i Hercegovine i/ili Crne Gore primjenjivat će procedure nabavke propisane u čl. 181. i 182. Finansijske regulative, te tač. 37. do 42. iz Poglavlja 3 Aneksa I Uredbe (EU, Euratom) 2024/2509 Evropskog parlamenta i Vijeća od 23. septembra 2024. o finansijskim pravilima koja se primjenjuju na opći budžet Unije (kodificirana verzija) i primjenjivati procedure dodatno navedene u Aneksu II Finansijskog sporazuma za Interreg VI-A IPA Program Hrvatska–Bosna i Hercegovina–Crna Gora, potpisanog s Evropskom

komisijom te da su pravila javnih nabavki data u Priručniku za implementaciju projekta – PIM.

Članom 16. Odluke o ratifikaciji Sporazuma o finansiranju za Interreg VI-A IPA Program prekogranične saradnje Hrvatska - Bosna i Hercegovina - Crna Gora za period 2021-2027. godina („Službeni glasnik BiH - Međunarodni ugovori“, broj: 1/25) regulisana su pravila nabavke koju primjenjuju subjekti iz Bosni Hercegovini koji primjenjuju postupk nabavki iz Priloga II ovog sporazuma.

Federalna uprava civilne zaštite kao jedan od projektnih partnera (PP3), odnosno korisnika iz Bosne i Hercegovine, tokom implementacije INEREP strateškog projekta u periodu od 01.07.2025. do 30.06.2029. godine, ima obavezu nabaviti usluge i robe iz tačke I ove odluke koje se finansiraju iz sredstva IPA III CBC koja su dostupna u okviru Interreg Programa u skladu sa odobrenim budžetom projekta i primjenjivati Prilog II Sporazuma o finansiranju za (INTERREG VI-A) i Priručnik za implementaciju projekta / engl. Project implementation manuel – PIM.

U skladu sa odredbom člana 10. stav (1) tačka a) ZJN, predviđeno je da se navedeni zakon ne primjenjuje na ugovore o javnoj nabavci koje ugovorni organ dodjeljuje ili sprovodi u skladu sa postupcima nabavke koji se razlikuju od postupaka propisanih ovim zakonom, a koji su propisani, između ostalog, pravnim instrumentom koji stvara međunarodne pravne obaveze između Bosne i Hercegovine i jedne ili više drugih država ili njihovih dijelova, a koji obuhvata radove, robu ili usluge namijenjene zajedničkom sprovođenju ili korišćenju projekta od država potpisnica.

### **III - OBJAŠNJENJE PREDLOŽENIH PRAVNIH RJEŠENJA**

U odredbi tačke I izuzimaju se od primjene ZJN postupci nabavke usluga i roba utvrđeni u navedenoj tački.

U odredbi tačke II određeno je da se nabavka usluga i roba provodi u okviru implementacije strateškog projekta INEREP -Unapređenje prekograničnog odgovora na vanredne situacije.

U odredbi tačke III utvrđen je izvor finansiranja navedenih nabavki.

U odredbi tačke IV definiše se donošenje pojedinačnih odluka o pokretanju postupka nabavke za svaku nabavku usluga i roba, kao i odluka o dodjeli ugovora.

U odredbi tačke V definiše se obaveza izvještavanja Agencije za javne nabavke BiH.

U odredbi tačke VI utvrđuju se odsjeci odnosno sektori nadležni za realizaciju ove odluke.

U odredbi tačke VII reguliše se stupanje na snagu Odluke.

### **IV - FINANSIJSKA SREDSTVA ZA PROVOĐENJE ODLUKE**

Za provođenje ove odluke koristit će se donatorska sredstva sa Posebnog namjenskog transakcijskog računa otvorenog u Union banci d.d. Sarajevo pod nazivom “FMF – Federalna uprava civilne zaštite – Unapređenje prekograničnog odgovora na vanredne situacije u slučaju katastrofa i uspostavljanje Sistema za prevenciju i upravljanje katastrofama” broj: 1027080000078627, core broj: 4007862700, kod projekta 3001151, otvorenog kao podračun u okviru JRT. Na ovom podračunu nalazi se raspoloživo 1.237.823,73 KM (Izvod banke br. 0002 od 30.09.2025. godine), a sredstva su knjigovodstveno evidentirana na vrsti prihoda 722751 - Primljene namjenske donacije neplanirane u budžetu.

Sredstva iz tačke I ove odluke koristit će se u okviru implementacije strateškog projekta INEREP - Unapređenje prekograničnog odgovora na vanredne situacije / engl. Interborder Emergency Response Enhancement Project (u daljem tekstu: INEREP) u okviru Interreg VI-A IPA programa Hrvatska - Bosna i Hercegovina - Crna Gora za period 2021-2027. godine (u daljem tekstu: Interreg Program), a primjenjuju pravila Interreg Programa i odredbe Priručnika za implementaciju projekta /engl. Project Implementation Manual – PIM.